

21. august 2006

Inatsisartut suleriesissaanni § 36, imm. 1 naapertorlugu Naalakkersuisunut imaattunik apeqquteqaa-teqarusuppunga:

Naalakkersuisunut apeqqutit:

- 1. Inatsisartut upernaakkut ataatsimiinnerminni aalajangiussimasaata FM 2003/10-p atulernissaa kalaallit nunanni ilaqutariit pisinnaatitaanerit pillugu inatsisiliaq Naalakkersuisut qaqugu nutaanngorsassamaarpaa?**
- 2. Qallunaat Nunaata, Finlandip, Islandip, Norgip Sverigillu akornanni, aappariinneq, meerarsiartaarneq kiisalu angajoqqaatut akisussaaneq (Nunat Avannarliit aappariinneq pillugu isumaqatigiissutaat) pillugu isumaqatigiissummut 6. februar 1931-meersumut Kalaallit Nunaata ilanngunnissaa, Naalakkersuisunit inassutaava? Naaggaartoqarpat, peqqutaa paaserusunneqarpoq!**
- 3. Naalakkersuisut piareersimappat, Kalaallit Nunnaata Europaråde-mut isumaqatigiissummut 20. maj 1980-meersumut ilanngunnissamut angajoqqaatut akisussaaneq aalajangiunnerata akuersaarneratalu naammassineranut, kiisalu nunat tamalaat akornanni meeqqanik qimarngussisarneq pillugu inuit pisinnaatitaanerisa sunniutaat, Haagerip isumaqatigiissutaanut 25. oktober 1980-meersumut ilanngunnissamut? Naaggaartoqarpat, peqqutaa paaserusunneqarpoq!**
- 4. Illersoriarsinnaanissamut inatsisip Kalaallit Nunaanut atuutilersinnaaneranut Naalakkersuisut sulissuteqarusuppat? Naaggaartoqarpat, peqqutaa paaserusunneqarpoq!**
- 5. Meerarsiartaartarneq pillugu malittarisassat nalilersoqqinnissaannut suliniutinik aallartitsisoqarsimava? Naaggaartoqarpat, peqqutaa paaserusunneqarpoq!**
- 6. Naalakkerusisunit isumaava Kalaallit Nunaata Haagerkonventionimut isumaqatigiissummut 15. april 1958-meersumut ilanngunnissaa, meeqqat pilersortariaqarnerinut tunngasunik aalajangiussinernik akuersaarnerisalu naammassinerinut tunngasunik, Haagenkonventionimut 2. oktober 1973-meersumut pilersortariaqakkanut tunngasunik aalajangiussinernut akuersaarnerisalu naammassinerinut tunngasunik, kiisalu FN-konventionimut 20. juni 1956-meersumut nunani allani akilersuutinik akiliisitsinerit pillugit isumaqatigiissummut? Naaggaartoqarpat, peqqutaa paaserusunneqarpoq!**
- 7. Naalakkerusisunit isumaava Kalaallit Nunaata isumaqatigiissummut 16. september 1988-meersumut ilanngunnissaa, eqqartuussisut inuiaqatigiinnut atasumik eqqaartuussinerini pisinnaanertut aalajangiussat kiisalu niuernerit tunngasut suliat naammassinerini (Lugano-konventionen)? Naaggaartoqarpat, peqqutaa paaserusunneqarpoq!**

8. Inuiaqatigiinnit isumannaatsumik inissisimanissaq nalinginnaasumik Naalakkersuisut qanoq ilillutik qulakkiissavaat inatsiitigut ininissisimanerup naammaginaruunissaaa anguneqassappat, angajoqqaat arlaata kalaallit nunaanni pisussaaffiliutamik sumiginnaanissani pissutigalugu allanilluunniit pissuteqarluni nunanut allanut nuunnerani?

(Inatsisartunut ilaasortaq Esmar Bergstrøm Demokraatit)

Pissutigalugu:

Kalaallit Nunaanni ilaqtariinnermut inatsisip iluarsaannissaata Naalakkersuisunit suliarineqarnissaa, FM 2003-mi Inatsisartuni aalajangiunneqarsimammat. Naalakkersuisut siulittaasuata 4. december 2003 allakkamini ilimasaarutigisimavaa, inatsisiliaq naleqquttoq Inatsisartunut saqqummiunneqarumaartoq FM 2004-p ingerlanerani. Tamatuma kingorna tullerriiarinermi suliaq taanna pingaartinneqarpallaarsimagunanngilaq, ajoraluartumillu Inatsisartut Naalakkersuisunit suliap sumut killinneranit paasitinneqanngitsoorsimallutik.

Inuiaqatiginni taamak pingaaruteqartigisutut isigisap pingaartinneqannginnera inuiaqatigiinnut nuanniitsumik kinguneqarpoq.

Inuiaqatigiit ilaata saaffiginnissutaa ilannguppara, tassani uppersarneqarsinnaavoq, angajoqqaat inatsisitigut akuerisaq malillugu namminneq meeqqaminnik najorteqarnissaata atuutilinnissaata ullumikkut periarfissaqannginnera. Tupinnanngitsumik inuiaqatigiinnik tupassutaasarpoq, paasineqaraangat kalaallit eqqartuussiviini aalajangiinerit, soorlu angajoqqaatut akisussaaneq, najortigiissinnaaneq, akilersuutit assigisaalu, soorlu Norge-mulluunniit nuunnerinnaq pillugu, aalajangiunneqarsimasut alaattalloq manna tikillugu sumiginnarneqartarneri paasigaangamikkitt. Najortigiissinnaanerup ajornanngitsumik ajoquserneqarsinnaanerata kingunerit angajoqqaajusumut annernaanneq ajorput. Tassanilu meeqqamut ajuusaarnarnera aamma tuttarpoq. Meeqqamut ajunngitsusaaq eqqartuussivimmit isiginia-
rneqartaraluartoq, kisianni meeqqap paasisinnaaneq ajorpaa, soq angajoqqaaminik Kalaallit Nunaani-
ittumik sumiginnarneqarnerluni.